

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09) i člana 26. Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini ("Službeni glasnik BiH", broj 50/08), ministar sigurnosti, na prijedlog Sektora za zaštitu i spašavanje, donosi

ODLUKU

O VRSTI, KRITERIJIMA I POSTUPKU DODJELE PRIZNANJA ZA ZASLUGE U OBLASTI ZAŠTITE I SPAŠAVANJA U BOSNI I HERCEGOVINI

Član 1.

(Predmet)

- (1) Ovom Odlukom utvrđuje se vrsta, kriterij, izgled i postupak dodjele priznanja u oblasti zaštite i spašavanja.
- (2) Priznanja iz stava (1) ovog člana su javna priznanja koja se dodjeljuju za naročito uspješan rad, angažman i saradnju u oblasti zaštite i spašavanja, koja zaslužuju opće poštovanje i isticanje.
- (3) Priznanja iz stava (1) i (2) ovog člana u pravilu se dodjeljuju povodom obilježavanja 1. marta - Dana zaštite i spašavanja - civilne zaštite Bosne i Hercegovine, Međunarodnog dana civilne zaštite, ali se izuzetno mogu dodjeljivati i u drugim prilikama.
- (4) Priznanja dodjeljuje ministar sigurnosti Bosne i Hercegovine.

Član 2.

(Vrste i primatelji priznanja)

- (1) Kao priznanja za zasluge u oblasti zaštite i spašavanja ustanovljavaju se:
 - a) Pismena pohvala zaštite i spašavanja, i
 - b) Zahvalnica zaštite i spašavanja.
- (2) Priznanja se dodjeljuju pojedincima-građanima, udruženjima građana, stranim vladinim i nevladinim organizacijama i drugim međunarodnim partnerima, privrednim društvima i drugim pravnim osobama, službama zaštite i spašavanja i institucijama i organima uprave na području Bosne i Hercegovine.

Član 3.

(Kriteriji za dodjelu priznanja)

- (1) Pismena pohvala zaštite i spašavanja dodjeljuje se pojedincima i kolektivima, koji su nesebičnim radom, angažovanjem i ostvarenim rezultatima ispoljili samopožrtvovanje i humanost i time dali izuzetan doprinos u jačanju zaštite i spašavanja ljudi i materijalnih dobara od prirodnih ili drugih nesreća u Bosni i Hercegovine.
- (2) Zahvalnica zaštite i spašavanja dodjeljuje se pojedincima i kolektivima u Bosni i Hercegovini i stranim državljanima i vladinim i nevladinim organizacijama i drugim međunarodnim partnerima za ostvarenu saradnju i pruženu podršku i pomoć koja je bila od izuzetnog značaja za organizaciju, razvoj i provođenje zaštite i spašavanja u Bosni i Hercegovni.

Član 3.
(Izgled priznanja)

- (1) Izgled priznanja je dat u prilogu koji je sastavni dio ove Odluke.
- (2) Priznanja se uramljuju u ram tamno plave boje-sjajni, širine 250mm, sa duplim paspartuom ukupne širine vidljivog dijela od 430mm, također tamno plave boje. S prednje strane se nalazi providno staklo.

Član 4.
(Postupak za dodjelu priznanja)

- (1) Ministar sigurnosti dodjeljuje priznanja na osnovu obrazloženog prijedloga koji podnosi Sektor za zaštitu i spašavanje Ministarstva sigurnosti, entitetske uprave civilne zaštite i Odjel za javnu sigurnost Brčko Distrikta.
- (2) Prijedlog za dodjelu priznanja zaštite i spašavanja sadrži lične podatke kandidata, odnosno naziv pravne osobe koja se predlaže i vrstu priznanja. U obrazloženju se navode činjenice o radu, angažovanju, postignutim rezultatima i uspjesima na osnovu kojih se može odlučiti o dodjeli priznanja.
- (3) Priznanja se uručuju neposredno-osobno, a ako se dodjeljuju posthumno, predaju se članovima uže porodice (bračni drug, djeca, roditelji, unuci, braća i sestre).
- (4) Sektor za zaštitu i spašavanje vodi evidenciju o dodijeljenim priznanjima.

Član 4.
(Stupanje na snagu)


Odluka stupa na snagu danom donošenja.

Broj: 09-02-4-1-553-3/14
Sarajevo, 04.02. 2014. godine



MINISTAR

Fahrudin Radončić



Bosna i Hercegovina

Ministarstvo sigurnosti

*povodom 1. marta Dana zaštite i spašavanja – civilne zaštite Bosne i Hercegovine i
Međunarodnog dana civilne zaštite*


dodjeljuje

P o h v a l u

za nesebični rad, samopožrtvovanje, humanost i izuzetan doprinos u razvoju sistema
zaštite i spašavanja u Bosni i Hercegovini

Sarajevo, 4. mart 2014. godine

Ministar sigurnosti



Bosna i Hercegovina

Ministarstvo sigurnosti

*povodom 1. marta Dana zaštite i spašavanja – civilne zaštite Bosne i Hercegovine i
Međunarodnog dana civilne zaštite*


dodjeljuje

Zahvalnicu

za saradnju, podršku i doprinos u razvoju sistema zaštite i spašavanja u
Bosni i Hercegovini

Sarajevo, 4. mart 2014. godine

Ministar sigurnosti



Bosnia and Herzegovina
Ministry of Security

*with regard to Marth 1st the Day of Protection and Rescue – Civil Protection of
Bosnia and Herzegovina and the International Day of Civil protection*

awards a

Certificate of Appreciation

to

for selfless dedication, self-sacrifice, humanity and commitment in contributing to the development of
protection and rescue system in Bosnia and Herzegovina

Sarajevo, Marth 4th 2014

Minister of Security